

未淨在三途五苦以何逃念當年遣子以出家固其心之有托在今日濟幽而拔苦諒我道之垂憐伏願特推錫類之恩不廣度人之德勅陶公仙伯以校籍命韓君司馬以度魂庶今亡者其受事朱宮書名黃錄一百八十煩惱業障俱消八萬四千塵勞妄緣都盡永辭苦趣頭入仙宗從茲出入於六虛不復輪迴於三界然願弟子其賞延先世師資宗祖以同昇裕及後昆道俗眷緣而迪吉學仙有遇進道無魔正妙通妙願言有修誓不負報恩之訓始相我相悉歸無着願早登真一之門且等致恭上香酒陳終獻

宣疏 送神

臣聞道非可象敬則成悉聚則成形神本無方聽之不聞視之不見惟精神之默感則降之如存適舉朝儀今當拜送伏想三清上聖遊神寥廓之鄉九地冥官復職幽陰之境倏忽不知其所在彷徨悵吳以相從日某等骨肉行尸塵泥賤品叨逢道化備在

具階或俯仰之失儀或步趨之失節存秦昧飛神之法書符違按筆之規仰祈恭遇以銀功庶免因齋而獲罪德何以報當益勵於焚修感不違願願常蒙於賜對臣等下情不勝榮幸之至瞻望霄衢一心拜送

回軒頌

送出化財

玄門報孝進薦儀

正一天師清微弟子 洪百堅 製作

道教學術資訊網站

諸師聖誕冲舉的獻儀

玉帝聖誕酌獻儀 五月初九日

宣

虹流鶴瑞瞻香案於昊天鶴立馳誠薦芳樽於福地恭炷道德真香虔誠奏啓供養

太上開天執符御曆含真體道昊天玉皇大天尊玄穹高上帝光嚴妙樂國王聖父天尊

寶月先皇太后聖母元君金闕彌羅聖眾玉

京侍衛高真悉仗真香普同供養再炷真香

奏啓供養

虛無自然三清三境天尊北極紫微大帝南

極天皇上帝承天効法后土皇地祇三界萬

靈十方真宰是日朝賀一切真靈恭望慈悲

俯垂洞鑑

宣意

宣

伏以大道無形妙萬物而質始至真因象制

群品以御圖妙用難窺靈機莫測庸假無文

之敬式禪慶聖之恭恭惟

昊天玉皇大天尊玄穹高上帝天地同明日

月合德淳黎真境記傳愛道之初紫微上宮

顯示度人之旨出寶書於天篆發金紐於霞

文乃大梵之天章實諸天之隱韻煥爾不言之教超乎無朕之機八角無芒孰窺浩劫二儀應運莫測真源允希監宥之私少副依歸之志諸天慶會三境非遙玉樹仙花睇玉虛之咫尺琅與碧華演瓊韻以雍容謹運虔恭禮伸初獻

伏以鬱羅蕭臺現有為之梵相溟澤大梵具無極之神通斯玄祖之靈樞實宇宙之要旨昏衢慧燭溟渤舟航上則安國康民下而扶危度厄拯提頹類絕智愚高下之分敷暢真玄破無有色空之礙願惟菲薄莫匪既陶伏念某等唵聽法音普沾聖澤聞演說而歎希有益開悟而感弘慈游達降世之佳辰月謹朝元於平旦如無邊明鏡在供養尊禮以義為若大音洪鍾雖寂寞扣求而必應不遺非漬尚賜居歆再拜上香禮伸二獻
伏以妙有真境普示現國王之身彌羅上宮即根本帝尊之位具一氣胚胎之萃全三光浩渺之真妙德難思神通莫議隱隱玉京之上巍巍金闕之高五千秘言融三才之大道

八千餘度接六趣之衆生自然而非識可識定而能應去來自在以無拘合而可分變化圓通而莫測演清淨解脫之旨濟沈迷憂苦之途周遊於三境之中誇現於十方之上伏願不違童漬惟簡帝心齋戒沐浴之虔開覆素載持之造照臨有赫喜慶難言傾側虔恭禮終三獻

宣疏

回向

伏願天聽惟明帝心有鑒長而不宰與天地以為宗仰之彌高超形名而獨立恩金民物澤被邦家

祖天師誕辰

祖天師誕辰正月十日
天上衝微記千載生仙之旦人間蒸藜表一時慶聖之心恭炷真香供養

祖師三天扶教輔元體道大法天師正一冲玄神化靜應願佑真君六合無窮高明大帝降魔護道天尊聖祖漢師相留文成侯正一聖父桐栢真人正一聖母元君嗣師太清演教妙道真君系師太清昭化廣德真君正一

女師元君左右侍宸王趙二真人正一文姬仙女文光仙女玉蘭仙女芳芝仙女奉車都尉樓季侯義陽太守閻中侯南郡太守侍御史正一歷代天師真人元君仙姑仙祖仙宗飛騰仙眷本觀香火高真雷霆法部官將真官土地江東之神三界朝賀一切真靈悉運真香普同供養

宣意

伏以啓運鶴鳴玉闕無窮之靈化分榮魚龍誕膺太上之休光由漢室以著稱繼留侯而濟美山林瞻仰海宇歸崇恭惟

祖師正一真君正一之宗玄元之主代天濟世以寶籙而傳後人度地修真養金丹而成大道印劍之慕承慈遠功行之表著恢弘綠簞丹華感金闕至真之降龍章鳳篆探紫陽內典之藏奉聖朝褒錫之尊見師造覆持之廣神風遊著紫霧彌羅龍戲麟盤仰翩翩而下遠嚶鳴鳳唱斯秩秩以居歆輟運虔恭禮伸初獻
伏以天為星辰地為河嶽關百世之盛衰衣

之冠冕本之本源寄後人之瞻仰三天具慶四海歡騰自惟至道儲精寔乃先天毓秀流芳根本茂枝葉以充榮沃潤山林如草木之末被伏念某等仰依師廡高慶琳庭每依微以有懷惟奉持而弗替尚監勳拳之至俯垂

享格之私休有烈光洞融妙義天顏有喜春浮之臉以增輝雲氣祥光日近微垣而萬瑞際會風雲於天上近瞻日月於人間再運丹衷禮伸二獻

伏以六鷲駕山雙鳳扶輦陪惟慶誕之良時五老啓途群仙翼轅用致贊揚於今日轉鈞有造覆錦惟懷魏乎秦省之崇翊此情門之化無往不在與時偕行魚龍端披喜共觀天人之相虬舞正視若再瞻日月之光方衡微之香氣入新念葵藿之丹誠難泯三薰益謹

百拜惟恭奉跪贖以敷言深壽解而稱頌恩麻知自悃款美彈伏願鑣行潦之微斧沃餘波於奕葉明明在上永垂耀於真風赫赫厭靈尚休光於化日德輝無盡仙道彌昌傾側虔恭禮終三獻

宣跪 回向

伏願執道之樞與天同運教宗蒙潤魚衣承雨露之恩帝所垂光冕履星辰之上琳庭清肅道泉安和

道祖降誕獻文 二月十日

大道無名式際降生之旦至神有赫庸理慶贊之誠恭炷道德真香虔誠奏啓供養

太清仙境太上老君道德天尊混元上德皇帝恭望

道慈洞回昭鑑再運真香虔誠奏啓供養

玉清元始天尊上清靈寶天尊金闕諸天上帝大羅妙有高真法主玄天上帝祖師正一真君三界十方千萬聖雷靈法部官將江東土地之神是日朝賀一切真靈悉運真香

普同供養

宣意

伏以生無始而隨無終玄通冥寂可常名而非常道清淨自然靈妙氣於玉虛現粹容於神室恭惟

太上老君混元皇帝主玄元教居太赤天立民物而運乾坤宰陰陽而行日月既陶品類拯濟顯幽方青陽時序之中乃紫府真元之節九清慶洽三極祥開流瑞錫於玄樞煥靈光於寄域爰伸質謝敬奉慶儀白鹿引車若先臨於漢室青牛擁駕猶下逮於周朝護運丹衷禮伸初獻

伏以九龍擁瑞紀統聖之昌辰八鸞同鳴游迎真於皎旦闡揚大化演繹靈音儼日朔月角之尊仰天步星行之道網維萬化宰制三才伏念某等職守琳庭率循科範奉清光而對越瞻紫氣以彌高戒蓬島之羽流潔林居之薄薦祇修玄典仰其鑑觀自本自根等乾坤而同久非空非色超象數以獨尊再運丹衷禮伸二獻

伏以金簡玉書闡神真於三洞父言聖訓垂道德於千齡誕揚清淨之風茂啓希夷之化開雲弁霞裾之緒發赤書玉宇之玄教被中華恩周下土開今方深於望氣天人有待於傳經博不得聽不聞雖大道獨超乎語嘿存

者神過者化惟感德則可以形容何以贊揚
第勤薰沐伏願先天傳道浩劫指迷長為下
土之津梁悉化群黎於方域馴至空同之間
自無姑射之疾道統儲祥琳庭協慶傾側虔
恭禮終三獻

誄經

宣疏

回向

月惟春仲風光已及於花辰壽與天齊道德
斯臨於仙且諸天同慶三界均歡伏願玉几
高明丹爲通徹國家享一遵道德之常經天
地後先超形名而獨立各諧清淨共底雍熙
伏願道尊德貴林泉永樂於昇平日富月昌
雨露均沾於化育

高真降誕三月三日

三月三日正蘭亭修楔之夜一德一心慶金
關化身之聖恭炷真香虔誠供養
萬法教主玉虛師相玄天上帝金關化身湯
虜天尊聖父淨樂天君明真大帝聖母善勝
天后瓊真上仙聖師豐乾大帝祖天師奉玄

上相正一真君虛危二宿星君應化武曲星
君文昌梓潼帝君武當山得道五伯靈官北
極佑聖府天乙真慶宮元和遜授府官君將
吏觀庭香火高真雷法部官將真官土地
江東之神是日朝賀三界真靈玄虛過往糾
察真司悉仗真香普同供養

宣意

伏以夢日儲祥慶玄天而應化披雲望幸伏
厚地以陳情諸天齊臨萬神唱奉恭惟
教主玄天上帝得天之道執帝之符淨樂孕
靈鍾五嶽三光之間悉虛危應宿合九霄八
景之元和宜華居北極之高益光贊東吳之
威屢沐聖朝之華袞誕臻人世之葵傾細酌
流霞順下風而獻奠庸修澗藻祈上聖以光
臨謹運丹衷禮仲初獻

伏以玉虛師相仰北極之崇高金關真尊寄
後人之瞻觀靈光奕奕聖德巍巍然有願以
皆從故無幽而不燭冠蓋激指掃妖魔於六
洞之中人鬼分離著功行於七日之內顯幽
俱泰今古做遵伏念某等叨沐甄陶惟深慶

贊行藏用舍莫非聖訓之依覆素佳扶所異
靈休之及府逢此日再啓玄風輒陳漢漢之
儀以答鴻庖之既不違童清尚譽時忱瑤珮
瓊裾下雲霄之浩蕩金錢寶馬略塵世之恭
虔再運虔誠禮仲二獻

誄經

宣疏

回向

伏以續則不告敢忘慶賀之私感而遂通仰
藉好生之德神洋洋乎如在皇刻刻乎揚靈
第切時依肅嚴獻真伏望迂臨下土惠鑒微
忱願將誠三侑殷勤之禮山林多幸一瞻
只尺之光庸罄一忱禮終三獻

春日融融開遍上林之桃李天顏穆穆敬修
南潤之蘋蘩萬倍歡榮一誠慶賀伏願
高真洞鑒列聖垂慈格一念之精誠錫九疇
之洪範冠裳興感琳宇昌安

高真祖師冲舉獻文九月九日

乘雲謁帝當九日之再臨酌水朝真仰三天
之孔邇恭炷真香虔誠供養

祖天師三天扶教輔元體道大法天師正一
 冲玄神化靜應顯佑真君六合無窮高明大
 帝降魔護道天尊曰前位再炷真香供養
 萬法教主玉虛師相玄天上帝金闕化身湯
 魔天尊聖父淨樂天君明真大帝聖母善勝
 天后瓊真上仙武當山得道靈官聖眾觀庭
 香火高真雷霆法部官將其官土地江東之
 神是日朝贊一切真靈悉仗真香普同供養

宣意

伏以玉珮秋風記重陽之昇舉金童曉露對
 佳節以獻酬諸天下臨萬神唱奉恭惟
 祖天師正一真君執天之樞與天同運崑崙
 玉局親傳九鼎之書絳節霓旌光被三天之
 詔由漢室龍興之世至蜀都鶴去之時益衍
 宗風光于今日載惟

法主玄天上帝得天之道執帝之符淨樂李
 靈鍾五嶽三光之間氣奎臺應宿舍九霄八
 景之元和亘尊居北極之高原光贊東吳之
 威俱沐聖朝之華東誕臻人境之恭傾細把
 榮更順下風而獻莫庸修頓禱祈上聖以光

臨運丹衷禮伸初獻

伏以紫芝眉宇仰師省之崇高玄武旌旗壽
 後人之瞻親靈光奕奕天視昭昭蓋與時以
 偕行乃無幽而不察鹿堂暨井著功行於豐
 碑鉞潤柳梅重懷恩於下土無窮傾慕敢後
 朝修伏念某叨沐甄陶惟深慶贊行藏用舍
 莫非聖訓之依履素匡扶所冀靈麻之被存
 逢此日再啓玄風輒陳潢潦之儀以答鴻庥
 之貺不違童瀆尚鑒時忱瑤珉瓊裾下雲霄
 之皓蕩寒泉秋菊吟塵世之恭虔再運丹衷
 禮伸二獻

伏以鸞書鳳詔承三天眷命之隆羽葆霓旌
 降九日昇真之會神洋洋在上皇刺刺兮
 揚靈乘白雲至帝鄉功成別館受素書傳其
 訣威制群魔綿數千百年正一之傳恢二十
 八治宗風之感化巢之功勳若被鎮天之威
 武非虛莫既贊宣肅嚴獻真伏望迂臨下土
 惠靈徽枕葉菊流芳三侑殷勤之禮山林多
 幸一瞻只尺之光庸登一忱禮終三獻

宣疏

回向

鸞鶴浮空降威容於只尺冠裳列序致禮敬
 於再三八表秋清詣天雲會伏願歡格微誠
 顯歎大教傳經玉局水光道德之宗主法玄
 天茂衍尾鳩之慶琳扉清肅道東和安
 神靈孚佑教私道德之光儀相崇嚴運啓雍
 熙之治冠裳與感琳宇昌安

諸師聖誕冲舉酌獻儀終